



## Ягьуда язгъан кагъыз

Ягьуданы бу кагъызы не ерде ва кимлеге язылгъаны белгисиз болса да, мунда гётерилеген масъалаланы аслу маънасы бизге ачыкъ. Ягьуда Исагъа иман салгъанланы жыйынындагъыларыны озлени гъайын этивге ва Аллагъны рагъмусуну гъакындагъы ойлагъа батып, пасат, пакарсыз юрюшлерин яшырмагъа къарайгъанларындан сакъ турмагъа чакъыра. Оьктем сёйлевлери булан олар озлеге якъчылар тапмагъа бажаргъанлар. Шо саялы да Ягьуда жыйындагъыларыны Аллагъгъа бакъгъан якъда амин турмагъа ва озлени бары да умутларыны «... йыгъылывдан сакълап ва Оьзюню сыйлы нюрюню алдына нарыстадай шатлыкъгъа салып болагъан» (1:24-25) Аллагъ булан байламагъа чакъыра.

### *Башлагъы саламлар*

**1** <sup>1</sup>Бу кагъызыны мен, Иса Месигъни къуллукъчусу ва Якъубну иниси болгъан Ягьуда, язаман. Иса Месигъ къоруп сакълагъан, Атабыз Аллагъны сююмлю чакъырылгъанларына салам! <sup>2</sup>Сизге бакъгъан якъда рагъму, парахатлыкъ ва сююв артсын дагъы!

### *Ялгъан устазлар*

<sup>3</sup>Сююмлю къардашларым, бизге ортакъ болгъан къутгъарылывну гъакында язмагъа нечакъы да сюйген эдим. Амма Аллагъны халкъына бир керен ва даимге инанынылып тапшурулгъан иманыбыз учунгъу ябушувгъа сизин борчлу этмекни гъакында сизге язмакъны тийишли гёрдюм. <sup>4</sup>Мен шо гъакъда язагъаным, бир тайпа адамлар сизин арагъызгъа яшыртгъын кюйде къошулгъанлар. Олар, шо аллагъсызлар, бизин Аллагъыбызны рагъмусу гъакындагъы хабарны къынгырлашдыра, ону пасат юрюме ихтияр береген зат йимик англаталар. Шоллукъда, бизин биргине-бир Есибиз ва Раббиз болгъан Иса Месигъни гери уралар. Оланы налатлама гереклиги къадим заманлардан берли язылгъан.

<sup>5</sup>Сиз булай да биле бусагъыз да, мен шу затны эсигизге салмагъа сюемен: Раббиз Оьзюню халкъын Мисри топурагъындан чыгъарып

къутгъаргъан сонг, дангылда иман салмагъанланы ёкъ этди. <sup>6</sup>Оьзлени оьр даражасын сакъламагъан, кёклердеги уйлерин ташлап гетген малайиклеге къыяматгюн дуван гесмек учун, Раббиз оланы къарангылыкъда байлап сакълады. <sup>7</sup>Шо малайиклер йимик, бузукъ зиналыкъ ва гъар тюрлю пасатлыкъ юрютген Содом, Гьомора ва айланадагъы шагъарлар да жаза гысапда даимлик отну алгъанланы ульгюсю болуп токътайлар.

<sup>8</sup>Бу аллагъсызлар да шолай, озлени тюшлерине асасланып, къаркъараларын мурдар этелер, гъакимликни инкар этелер ва макътавлу малайиклени сёгелер. <sup>9</sup>Баш малайик Михайыл озю де Мусаны сюеги гъакында эришип сёйлейгенде, иблисге къаршы сёгюшмеди, янгыз: «Аллагъ сени жазаласын», – деп айттып кюйду. <sup>10</sup>Амма бу адамлар озлер англамайгъан затланы сёгюп сёйлейлер, англавсуз гъайванлар йимик, гъисине гёре яшап, озлени дагъыталар.

<sup>11</sup>Адаршай олагъа! Олар Къабилни ёлу булан юрюгенлер. Къазанчны бетин этип, олар Балам этген хаталаны къайтарып этгенлер. Олар Корагъ\* деген адамны башгётеривюнде ортакъчылыкъ этгенлер йимик ёкъ этилежеклер. <sup>12</sup>Сюювно белгилейген тепсигизде олар дамгъалардай болуп токътайлар. Бир янгыз да уялмай тепсиде олтуруп, олар янгыз озлени гъайында болалар. Олар ел алып барагъан янгурсуз булутлардыр. Олар гюзде тамурундан чыгъарылып алып ташлангъан емишсиз тереклердир, эки керен оьлгенлердир. <sup>13</sup>Олар оьз айыпларыны гёбюк булан яшырагъан денгизни вагыши толкъунларыдыр. Олар озлеге къарангылыкъны зулматында даим зылцын берип турмакъ белгиленген адашгъан юдузлардыр.

<sup>14</sup>Адамдан сонг еттинчи наслуда болгъан Энош оланы гъакында Аллагъны атындан булай айтгъан: «Муна, Раббиз минглер булангъы сыйлы малайиклери булан гележек. <sup>15</sup>О бары да халкъгъа дуван этежек, аллагъсызланы этген аллагъсыз ишлерин ва аллагъсыз гюнагълылар Оьзюню гъакында айтгъан затланы аянгъа чыгъарып бережек». <sup>16</sup>Бу адамлар – арзачылар ва бугътанчылар. Олар озлени насларына тынглап юрюйлер, оьктем сёйлейлер, оьз пайдасы учун башгъалагъа ялынчылыкъ этелер.

### *Иса Месигъни гелмеклигин къаравуллай туруп*

<sup>17</sup>Сиз буса, сююмлю къардашларым, Раббиз Иса Месигъни элчилери алданокъ айтгъан сёзлерин эсге алып кююгъуз. <sup>18</sup>Олар сизге: «Ахыр заман озлени аллагъсыз наслары булан юрюйген мысгъыллавчулар арагъа чыгъажакъ», – деп айтгъан эдилер. <sup>19</sup>Олар адамланы

\* 1:11 *Корагъ* – Мусаны ва Гъарунну гъакимлигине къаршы баш гётерген адам.

## ЯГБУДА 1

---

ярплашдыра. Олар бу дюньялыкъ гьислерине гёре яшайлар ва оларда Аллагьны Ругьу ёкъдур.

<sup>20</sup> Сиз буса, сююмлю къардашларым, инг сыйлы иманыгьыз булан оьзюгюзню беклешдиригиз ва Аллагьны Ругьу булан дуа этигиз. <sup>21</sup> Раб-бибиз Иса Месигьни рагьмусу сизге гелтирежек даимлик яшавну гёз-леп, Аллагь сизин сюегенни даим эсде сакълап яшап туругьуз. <sup>22</sup> Шек-лик этегенлеге рагьмулу болугьуз, <sup>23</sup> башгъаларын буса отдан чыгъарып алып къутгъарыгьыз. Бир тайпа оьзгелерине рагьму этигиз, амма олардан сакъ болугьуз, гьатта оланы гюнагъларындан похлангъан гийимле-ринден де жиргенигиз.

<sup>24-25</sup> Сизин йыгъылывдан сакълап ва Оьзюню сыйлы нюрюню алды-на нарыстадай шатлыкъгъа салып болагъан Аллагьгъа макътавлар бол-сун дагъы! Раббиз болгъан Иса Месигьден таба бизин къутгъаргъан Бир болгъан Аллагьгъа гъар заманда да, гъали де, гъар даим де макъ-тавлар, зорлукъ, къудрат ва гъакимлик болсун дагъы! Амин.